

ՎԱՐԴԱՆ ԱՐՀՈՒՄԵԱՆ *)

Վ. Լ. Պ

ԱՌԱՋԻՆ ՄԱՍ

X

Յաջորդ տարի տոմարուայ վերջերին Բաղդասարը յանկարծ ընկաւ տարօրինակ մեկամտդձութեան մէջ։ Ասենք, առանց այն էլ մի շատ զուարճալի մարդ չէր, իսկ այժմ միանգամայն անտանելի դարձաւ։ Երեկոնները տուն վերադառնալով, դարբասից մտած չըմտած՝ կանչում էր լեզգի Օսմանին և կոշտ ու կոպիտ յանդիմանում նրան առանց առիթի կամ ինքը յօրինելով որ և է առիթ։

Մտնելով սենեակ, նա արձակում էր կնոջ վրայ դարձեալ երեակայական գանցառութիւնների պատճառով։ Հայհոյում էր նրան այնպէս, որպէս երբէք չէր հայհոյել, երբեմն մերձենալով նրա եօթերորդ աստիճանի ազգականների պատուին կամ քամուն տալով նրա նախահայրերի ոսկորների փոշին։ Այնուհետև անսովոր շտապով, չբխնայելով ու մատները այրելով, պնակից խմում էր մի բաժակ թէյ և իսկոյն առանձնանում։ Չորս սենեակներից մէկում, մի հատիկ մոմի աղօտ լուսոյ ներքոյ համարակալի վրայ ինչ-որ հաշիւներ էր անում, մտածում, փրնթփրնթում, հառաչում, ձեռով ճակատը տրորում, ատամներով բեղերը կրծոտում։ Երբեմն յանկարծ ոտքի էր կանգնում ու արագ-արագ խոշոր բայլերով անցուդարձ անում, զրդուաժ ողբերգակի

*) «Լուսաշ» 1902 № 1.

պէս, ձեռներով օղի մէջ ամենատարօրինակ շար-
ժումներ անելով։ Այդ ըոպէներին նրա բերանից դուրս
էին թռչում այնպիսի ինքնատիպ յիշոցներ, որոնց
նմանը հազիւ թէ Զիլզիլ քաղաքի բնակիչները լսած
լինէին իրանց կեանքում։ Թէ ում էր այսպէս մկրը-
տում և ինչու — միայն ինքը գիտէր։ Նրա շանթակիր
հայեացքն անցնում էր մի պատից միւսը, բարձրա-
նում էր առաստաղը, իջնում էր յատակը, կարծես,
ամենուրեք որոնելով դառն մտածումների ու կատա-
ղութեան շարժառիթ անձին, որը սակայն աներևոյթ
զդակ էր հագել։

Գիւլիւմը մտածում էր մտածում — ամուսնու փո-
փոխութեան պատճառը չէր գտնում։ Նա հարցնում
էր Վարդանին, բայց պատանին էլ ոչինչ չըզիտէր։
Մի օր նա փորձեց հարցնել Բաղդասարին, սակայն
բերանը բաց արած չը բաց արած, փոշմանեց։ Բաղ-
դասարը, ոտները յատակին զարկելով, ստիպեց նը-
րան լռել։ Այն ժամանակ Գիւլիւմը գնաց իւր աղջկայ
մօտ և խնդրեց, որ սա իւր ամուսնու միջոցով Բաղ-
դասարի գործերի մասին որ և է տեղեկութիւն իմա-
նայ։ Բայց այստեղից էլ Գիւլիւմը մի որոշ բան չի-
մացաւ։ Այն ինչ՝ Բաղդասարը քանի գնում այնքան
անտանելի էր դառնում։ Այժմ նրա հետ ոչ մի բանի
մասին խօսել չէր կարելի։ Նա կատաղում էր նոյն
իսկ այն ժամանակ, երբ կինը առաւօտները հարց-
նում էր ճաշի համար ինչ կերակուր պատրաստի։
Բանն այնտեղ հասաւ, որ խեղճ կնոջ ամուր քայ-
լուածքը, հառաչանքը և շշնջիւնն անդամ նրան գրը-
գում էին։

Մի երեկոյ Բաղդասարը նոր էր վերադարձել
խանութից, երբ շտապով ներս մտաւ Աբրահամ ա-
ղան։ Այդ մարդը երբէք առանց որեւէ լուրջ պատճա-
ռի չէր գալիս նրա մօտ։ Իսկ այս անգամ նա, որ-

քան նկատեց Գիւլիւմը, յուզուած էր այնքան իսկոյն Ռադդասարի հետ անցաւ միւս գեղեակէն դռները ետեւից ծածկեց։ Պարզ էր, որ այցելութեան նպատակը արտաքոյ կարգի էր։

Գիւլիւմը չը համարձակուեց դռների ետեւից անկանջ դնել, բայց Վարդանը չը կարողացաւ զսպել իւր հետաքրքրութիւնը։ Այս տասներեք տարեկան պատանու գլուխն անհամեմատ աւելի էր զբաղուած հօր գործերով, քան կարելի էր երեակայել։

Սկզբում Ռադդասարն ու Աբրահամ աղան խօսում էին հանդարտ, այնպէս որ Վարդանը յոյսը կտրեց մի բան լսելու։ Բայց շուտով նրանց ձայները բարձրացան։ Այն ժամանակ փոքրիկ լըտեսը լսեց հետեւալը.

— Ես քեզ ստում եմ մանէթին երկու արասին լաւ փող է, ստացիր ու ձայնդ քաշիր, — համոզում էր Աբրահամ աղան.

— Մանէթին չորս արասի, իմացան, մի կոպէկ էլ պակաս չեմ վերցնի։

— Ա մարդ, չունիմ. չունիմ, չունիմ, լսում ես, թէ չէ։

— Ունիս ու շատ էլ լաւ ունիս։

— Դէ լաւ, իննը շահի ստացիր։ Աստուած, երկինք, աւելի տալ չեմ կարող.

— Մանէթին չորս արասի, չորս արասի, հասկանում ես.

— Լաւ, որ իսկի մի կոպէկ էլ չը տամ, ինչ պիտի քանես, — գոչեց Աբրահամ աղան այնպիսի դիւարին ձայնով, որ նոյն իսկ Վարդանի մարմնով սարսուռ պնդեց։

— Ինչ կանեմ, — կրկնեց Ռադդասարը խուլ ձայնով, — այ, այս մտտերովս առաջ քեզ կը խեղդեմ, յետոյ ինձ.

— Դէ՛հ, խեղդիւր, պրծիւր էլի մի կռպէ՛կ է՛ր չեմ տալու։

Քանի մի վապրկեան տիբեց լուծիւն։ Պարզանիւն թուաց, որ, իրաւ, հայրն արձակուեց։ Աբրահամ աղայի վրայ և խեղդում է նրան։ Նա դողաց ամբողջ մարմնով։

— Աբրահամ, — լսուեց, վերջապէս, Բաղդասարի ձայնը, — տունս մի քանդիւր։

— Իմ տունը որ քանդուում է, թող քոնն էլ քանդուի։

— Բաս որ այդպէս է, քեզ բանտ նստեցնելը մեղք չէ։

— Նստեցրու, ճարս ինչ, կընստեմ։

— Աբրահամ, մի արա այդ բանը, վերև Աստուած կայ, կրակ կըթափի գլխիդ...

— Ես ոչ առաջինն եմ, ոչ վերջինը, ինձ նմանները շատ կան։

— Զրկան, Աստուած վկայ, չըկան, սկսողը դու ես։

— Մի երկարացնի, ուզում ես մանէթին իննը շահի։

— Զէ, չէ ու չէ։

— Մնաս բարով։

— Աբրահամ։

— Յետոյ գլխիդ կըթահես ու վայ կըկանչես...

— Աբրահամ։

— Զեմ կարող, չեմ կարող, չեմ կարող։

— Դէ դուրս, դուրս անամօթ, աներես, աննամուս, շան կաթ կերած, դուրս քո հօր ոսկորները...

Քո պապի միւրուքը... քո բեղերը, միափաղը, դուրս, քո եօթը պորտի գերեզմանը...

Վարդանը մի ոստումով արդէն հեռացել էր դռներից և կռչեկեկ սենեակի մի անկիւնում։

Դռները բացուեցին, Արրահամը դուրս եկաւ։ Եթէ սենեակը լաւ լուսաւորուած լինէր, Վարդանը կրտսնէր, որ իւր պատուելի կնքաճօր դէմքի վրայ գոյն ասուած բանը չըկայ, որ նրա քնթի պնշերը դողում են, իսկ աչքերն արտայայտում սոսկալի վրճիւ։

Դժբաղդ երեկոյ, աւելի դժբաղդ գիշեր, որ Վարդանն անցկացրեց անքուն։ Նա շարունակ տրտուում էր անկողնում, հառաչում, ականջ դնում հօր սենեակի կողմ, ուսկից, սակայն, ձայն չէր լսում։ Նա շատ բան էր հասկացել Արրահամ աղայի ասածներից։ Պակասը լրացրել էր մայրը։ Նրա հայրը կորցնում է իւր ամբողջ գուտ դրամագլուխը, նա ինքը զրկւում է սեպհական փողերից և հաւասարւում աղքատ ընկերներին։ Այն ինչ, դեռ երէկ իրան համարում էր հարուստ։ Որքան պիտի ծիծաղեն ու ծաղրեն ընկերները և ինչպէս պիտի ուրախանայ այդ քոսոտ Մարտիրոսը։

Լուսադէմին միայն նա կարողացաւ քնել։ Բանալով աչքերը, նա իւր անկողնի մօտ տեսաւ հօրը։

— Արրահամ աղան մեր փողերը կըտայ, — եղաւ նրա առաջին խօսքը։

Բաղդասարը գունատ էր, աչքերի կոպերն ուռել էին անքնութիւնից, դէմքն արտայայտում էր դառն տանջանք, կրծող վիշտ։ Նա տարօրինակ հայեացքով նայեց որդու երեսին և տարօրինակ եղանակով արտասանեց.

— Դայլ եղիր, դայլ, որ քեզ չուտեն... Յետոյ բազմեց մինդարի վրայ և, ոտները ձգելով, աւելացրեց.

— Արրահամը ոչ Աստուած ունի, ոչ հաւատ, ոչ օրէնք, ոչ ամօթ, ոչ նամուս։ Նա չուն է։ Եղբայրն

եղբորն այնքան չէր հաւատում, ինչքան ես էի հաւատում նրան:

Նա լռեց, գլուխը թեքեց կրծքին և շարունակեց, կարծես, ինքն իւր հետ խօսելով.

— Վեց հազար հինգ հարիւր մանէթի տեղ երկու հազար ութ հարիւր մանէթ. Ինչու, ինչ օրէնքով...

— Իմ փողերն էլ են կորչում, — հարցրեց Վարդանը:

— Քոնն էլ, իմն էլ, բոլոր ունեցած-չունեցածս. Սստուած խելքս առաւ, պրծաւ, եթէ չոր տափին չը մնամ մեծ բան է, նա ինձ մանէթին երկու արասի էլ չի տայ, դիտեմ, չի տայ...

Յանկարծ նա փոխուեց. խեղճութիւնը տեղի տուեց կատաղութեան, Դդակը վերցրեց գլխից և, զարկելով յատակին, գոռաց.

— Վարդան, կոխ տուր գդակս, կոխ տուր. Ես մարդ չեմ, որ չեմ կարողանում այդ անառակին խեղդել. շանսատակ անել...

Փոքր ինչ անցած նա բաւական հանգստացաւ և դնաց շուկայ և վերադարձաւ միայն իրիկնադէմին: Մըրահամ աղան, այրուած խոցոտուած նրա երէկուայ վիրաւորանքից, մերժել էր բուբլուն քառասուն կոպէկ էլ տալու: Նա ոչինչ չէր տալիս այժմ.

— Վարդան, — դարձաւ հայրը որդուն, — Վարդան, ականջ դիր ինձ: Սստծուն է յայտնի, կըտանեմ այս ցաւը թէ չէ, բայց դու, եթէ իմ որդին ես, պիտի մտքումդ լաւ պահես երէկուայ լսածներդ: Աշխարհում ոչ ոքի չըհաւատաս, ոչ ոքի մի կոպէկ չը տաս առանց գրաւի: Կը մեծանաս, ունեցած-չունեցածս կը հաւաքես, քեզ համար գործ կըսկսես: Դու պիտի հարստանաս: Դիտեմ ինչու. որ վրէժս հանես այդ Մըրահամի որդիներէից: Թող նա ուտի փողկերս, բայց թող նրա որդիները չոր տափին մնան. Լսո՞ւմ ես,

զու պիտի նրանց թողնես չոր տափի վրայ մի կտոր հացի կարօտ, որ դռնէ դուռն ման դան, ողորմութիւն հաւաքեն, և դու փողոցներում նրանց տեսնելիս, թքես երեսներին... Լսում ես, դու պիտի կատարես հօրի աւանդը, եթէ չըկատարես, իմացիր, ոսկիդներս դերեզմանից կանիծեն քեզ... Գիւրմը ցնցուեց սարսափից։ Ամռանու խօսքերի մէջ նա մութ կերպով նախատեսնում էր որդու ապագայ ճակատագիրը, կեանքի ծրարիրը, և նրա մեղմ, ներողասէր հոգին բողբոջում էր հայրական այդ անողորմ աւանդի դէմ։ Այդ աւանդ չէր, այլ անսիրտ բռնակալի դրած ծանր լուծ, դառն անէծք։ Նա նախից որդու երեսին, որ իմանայ ինչ տպաւորութիւն են դործում նրա վրայ հօր խօսքերը, ծանուեցրեք տարեկան պատանու դէմքը չէր կրում իւր հասակի անմեղութեան և ոչ մի նշոյլը այդ պահին։ Նա լուռ, ուշադիր լսում էր, աչքերը յառած հօր բերանին։ Եւ ոչ միայն լսում, այլ և իւրաքանչիւր բառն ամուր դրոշմում իւր յիշողութեան մէջ։

Փորձիկ դուէսը ծնուելու օրից այնպէս չէր գործել, որպէս այժմ։ Նա ապագայի համար դարձնում էր վերժառութեան սոսկալի միջոցնայ։ Նրա սիրտը լեցուել էր թունաւոր կիրքով։ Հօր խօսքերը միայն սաստկացրին արդէն վառուած կրակը... Նա չօրեց հօր առջև, բռնեց նրա ձեռը, համբուրեց ու դրեց ճակատին, եւ այս որդիական հաւատարմութեան միտքը բառերով այս էր արձգում սեպու աչքերում — Ես կը կատարեմ քո աւանդը...

XI

Սափրիչ Պօղոսի խանութը գտնուում էր Զիլգիլ քաղաքի կենտրոնում, մի կիսախարխուլ անկիւնում։

Այդ մի ոչ այնքան մեծ սենեակ էր, պատերն անպատահ, փխսաւեր, օճոսքը թանձր մուխից հնացած, յատակի աղիւսները ծածկուած ցեխի, մուրի և մուշտարիների մազերի զգուելի շաղախով։ Ախակ լուսամտի ապակիները վաղուց էին փշրտուել և այժմ նրանց փոխարինում էր իւղած թուլթը։ Ջախջախուած և ծայրէջծայր կարկատուած դուռը յիշեցնում էր յետին մուրացկանի ցնցոտին։

Այցեխուների համար երեք պատերի երկայնութեամբ շինուած էր միապաղաղ փայտեայ նստարան, որ փոխարինում էր սափքատան համար ամբողջ կահկարասին, եթէ չըհաշուենք մի հնադարեան բազկաթոռ երկու փուլթ ծանրութեամբ։ Այս հռանկիւնի կազմող նստարանի վրայ թաղի անգործ կամ ծոյլ բնակիչները, որը ծալապատիկ նստած, որը ոտները ցած դցած, որը կրկնած, որը, վերջապէս, կողքի վրայ պառկած, քննում ու քննադատում էին քաղաքի խոշոր ու մանր դէպքերը ուստա Պօղոսի մկրատի չըխչսկոցի ներդաշնակութեամբ։ Դա մի ինքնատիպ պարլամենտ էր, ուր շատ անգամ շօշափուում էին բարձր նիւթեր—քաղաքական, պատերազմական, աւելի յաճախ՝ կրօնական։ Իսկ երբ խօսելու նիւթը սպառւում էր, պարլամենտի անդամները զուարճանում էին կատակներով, սրախօսութիւններով և փոխադարձ ծաղակոծութեամբ, մանուկների պէս միմեանց վրայ ջուր թափելով, իրարու բռնելով ու կմշտելով և հըռ-հըռ բարձրաձայն ծիծաղելով։

Օրը կիրակի էր, եղանակը ցուրտ, խոնաւ, անախորժ։ Սափրատան մէջտեղում, յատակի վրայ դրած մանդալում մխում էր ամուլը փայտի կտորների հետ, ծուխը զարնելով ներկայ եղողների դէմքերին։ Տիրում էր առանձին կենդանութիւն, բոլորը յուզուած էին, Լուրը բերկ էր ինքը ուստա Պօղոսը։

Այդ մի վերին աստիճանի խոշոր հետաքրքրական և մի և նոյն ժամանակ, անսպասելի նորութիւն էր։

Աբրահամ աղա Գալլաշեանը սնանկ—քաղաքի առաջին վաճառականը, ամենի նախանձի առարկան, յարգանքի կենտրոնը, հասարակութեան ամենամեծ սիւներից մէկը, Ինչպէս, այդ խելօք և զոյշ մարդը չըկարողացաւ իւր դործերը տանել,—Ոչ, ոչ, անհաւատալի է, անշուշտ մէջտեղ մի եւ կայ։

Եւ այդ եւի մասին առաջին անգամ կասկած յայտնեց նախկին մանրավաճառ, այժմ անգործ Սաղաթէլը, որին հաբաշի տղայ էին կոչում։

—Ուստա Պօղոս, — դարձաւ նա սափրիչին, — խօսքդ թամամբըու, տեսնենք։

Նա խորամանկ էր, զգում էր, որ ուստա Պօղոսն աւելի դիտէ, քան ցոյց է տալիս, միայն չի կամենում բոլորը միանդամից ասել։ Ամբողջ ժողովարանն իւր հայեացքը յառեց ուստա Պօղոսի բերանին։ Իսկ ուստան, ունկնդիրները հետաքրքրութիւնն աւելի զրգռելու համար, նախ հազաց, սրբեց աչքերը, որ ծխից արտասուում էին, ապա հանեց դօտիից քաշ արած տոպրակից բազմաթիւ ածելիներից մէկն ու սկսեց սրել, քսելով մէջքին կապած կաշուէ սրոցին։

—Աբրահամ աղան, — արտասանեց նա, վերջապէս, կարելոյն չափ իւր բութ դէմքին խորհրդաւոր լրջութիւն տալով, — հիմայ չի խօս կոտոր։ Վեց ամիս է նրա քամակը թոյլ է, միայն թազցնում էին։

—Էէ, շատ լաւ, ախար պատճառը։

—Պատճառը, հըմ, պատճառը։ Մարդ է էլի, մեծ մարդ է, ամեն մի մեծ մարդ իւր քէֆն ունէ։

—Ինչպէս, ինչպէս։

—Էհ, բան է էլի, — պատասխանեց Պօղոսը, աչքի տակով խորամանկօրէն նայելով Սաղաթէլի երեսին, — ասում են, հիմայ կոտոր ընկնելն էլ մօղա է։

Ղարաբաղի կողմերից է սկսուել, Գոհանամ դըէն, Տէր մարդ կայ, որ մարդութիւնը փողից չափ է սիրում, մարդ էլ կայ, որ Աստծու տուածից շնորհակալ չէ:

Արտայայտելով այս խորին փիլիսոփայական միտքը, ուստա Պօղոսը ածելին դրեց տապրակի մէջ, հանեց երկրորդը ու սկսեց անելի եռանդով սրել:

— Ուստա Պօղոս, խօսքիդ ջովհարն եմ հասկանում,— ասաց Սաղաթէլը,— մենք էլ վաճառական ենք եղել, քչից-չատից խելք ունինք: Ասա, տեսնենք:

Նա վերցրեց երկաթեայ խառնիչն ու մանղալի կրակը ցրուեց: Ծուխը մի փոքր մեղմացաւ, ուրախ կրակն ամենքին տրամադրեց զուարթ: Շերամապահ Անտօնը ամենից առաջ ըմբռնեց Պօղոսի ու Սաղաթէլի խօսքերի յետին իմաստը:

— Զրիւնի թէ,— ասաց նա, դառն թամբաքով չիբուխը բերանից հանելով և բեղերի ծլուցը սրբելով,— չըլինի թէ Աբրահամ աղան ուրիշների կարողութիւնը տակովն է անում: — Զը՛րթ,— թքեց նա առամների արանքով մանղալի մէջ և չիբուխը նորից դրեց բերանը:

Ուստա Պօղոսը ոչինչ չզրտտասխանեց, բայց և չբրդոքեց էլ շերամապահի համարձակ ենթադրութեան դէմ: Միւսները, բացի Սաղաթէլից, բոզոքեցին, մանաւանդ տիրացու Նիկօլայը: Սուտ կոտոր, Աբրահամ աղան սուտ կոտոր: Զէ, այս խելքի մօտիկ բան չէ: Աբրահամ աղան բաղաքի ամենաազնիւ վաճառականն ու ամենաազնիւ մարդն է: Ահա տասներկու տարի է եկեղեցու երէցփոխ է և իննը տարի քաղաքի դէպուտատ, մինչև այսօր ո՛վ է համարձակուել նրա անունին կեղտ կպցնել:

— Տիրացու,— նկատեց շերամապահ Անտօնը, որ ատելով ատում էր Նիկօլային,— ինչպէս տեսնում եմ,

Արքանամի գցովի շայր շատ էս հաւանել. Բայց հա-
մը մի տանիր. 2ը ըթ...

— Ի հարկէ, — ասաց ուստա Պօղոսը, — մեղանից
ով չէր խաբուի, եթէ տանն ունենար մի շար սա-
տանայ: Դիշեր-ցերեկ սատանան կը փսփսայ ական-
ջիդ ու կողքիդ կը բզբզի. «արա, արա», դու էլ կա-
նես էլի, ինչ զարմանալու բան կայ. — 2իշ-շըշ, չիշ-
շըշ, — շարունակեց նա սրել ածելին:

Ամառն որմնադիր, ձմեռն անգործ. Հայրապետն
իմաստուն եղանակով նկատեց, թէ բարեպաշտ քրիս-
տոնեային ոչ մի սատանայ չի կարող խաբել, եթէ
նրա մէջ չարութեան սերմ չըլիին:

— Սատանայ էլ կայ, սատանայ էլ, — հակաճա-
ռեց Սաղաթէլը, — ուստա Պօղոսը, որ բերանը բաց
արաւ, իսկոյն իմացայ քամին որտեղից է փչում:
2ը ըթ...

— Աֆարիմ մարդ, — գովեց նրան Պօղոսը, — բան
դու Արքանամի եղբօր Խորայէլին շատ լաւ էս ճա-
նաչում: 2իշ-շըշ...

Խորայէլի անունն ընդհանուր ատելութիւն չար-
ժեց: Այդ տակաւին երիտասարդ վաճառականը քա-
ղաքի պահպանողականների աչքում միշտ կասկածե-
լի էր իւր չափազանց նորամոլութեամբ: Նա ոչ մի-
այն օսւյալած չապիկ ու ճոճռան կօշիկներ է հագ-
նում, այլ և իւր կնոջն ստիպում է արխալուղի ու
լայն փոխանի տեղ հագնել ինչ-որ միջից ծակած
տոպրակ ու երեսը բաց փողոց դուրս գալ: Նա ա-
մէն տարի Մոսկովայից որեւէ նորութիւն է բերում և
քաղաքը ապականում: Այս ամբամ էլ այնտեղից վե-
րադարձաւ բեղերը կռտած ու ծնօտի վրայ մի կը-
տոր միբուր թողած, իսկ և իսկ անցեալ տարուայ
Ֆռանգի պէս, որ բուլվարում մի մեծ վրան էր դը-
րել և աակը շներ էր պնդացնում:

— Այ, աղա՛ս, դու ես, հէնց այդ հոռւ պարացնող
 Խորայէլն է ամեն բան սարբողը, — վատահացաւ, վեր-
 ջապէս, ասելու տալով Պողոսը, — Թէ չէ՛ Աբրահամ ա-
 դան օրինաւոր մարդ է։ Զը՛շ-շիշ, չը՛շ-շիշ...

— Բերանդ օրհնուի, ասա պրծիր էլի, — գոչեց
 Անտօնը։ — Զը՛րթ, ումի՛ փողերն է տակովն անում։

— Մառազովի։ Քիչ ու պակաս, երեսուն հազար
 մանէթ, Զիշ-շըշ, չիշ-շըշ...

Ամբողջ ժողովարանը միաձայն արձակեց խորին
 զարմացման մի վայրենի հնչիւն, այնքան գումարը
 մեծ էր նրա համար։

— Ղոշա՛ղ մարդ, — արտասանեց նախկին մանրա-
 վաճառ Սաղաթէլը՝ իբր հեղնաբար, բայց հոգու խոր-
 քում նախանձեղով Աբրահամին։

— Դու այն ապա, մեր մարդկանցից ումի՛ տա-
 կից է փախսը քաշում, — հարցրեց Անտօնը։

— Միայն մէկի, — պատասխանեց Պողոսը, — բայց
 լաւ, օրինաւոր է քաշում։ Զիշ-շըշ, չիշ-շըշ, չիշ-շըշ...

— Զը՛րթ, Ով լինի այդ մէկը, Զը՛րթ...

— Բաղդասարը։

— Խո՛ղը։

Ամբողջ ժողովարանում չըզտնուեց մէկն, չոր
 այդ մարդուն ցաւակցէր, Բաղդասարը մին անօգուտ
 մարդ է, ով է մինչև օրս նրա տանը մի կտոր հաց
 կերելի։ Ումին է նա իւր կեանքում մի վուպէկի լա-
 լութիւն արել։ Տնից խանութ է գնում, խանութից
 տուն, ոչ մի տեղ չի երևում։ Մինչև անգամ եկեղե-
 ցի էլ չի գնում։ Միայն ուրիշներին հայհոյել գիտէ։
 Նա խղճալու մարդ չէ, նրան զրկելն իսկի մեղք չէ,
 աֆարիմ Աբրահամ աղայ։

Այն ժողովարանը տրամադիր էր Բաղդասարին եր-
 կարապարտաւելու, ասական յանկարծ։ Ներսէյ մաւա
 Վարդանը հետևի ու շնչասպառ։

— Ուստա Պօղոս, հայրս քեզ կանչում է:
 — Ի՞նչ է պատահել, որդի,
 — Հիւանդացել է, արիւն պիտի առնես:
 — Բահ բահ, խեղճ մարդ, — գոչեց ամբողջ ժողովարանը կեղծ ցաւակցութեամբ:
 Պօղոսը շտապով կոնատակը դրեց պղնձէ թամբու վարդանի հետ դուրս դնաց:
 — Տիրացու նիկոյայ, — ասաց Անտօնը, — քացախ խմիր, քեզ համար հոգեհաշ է պատրաստուում...

XII

Ուստա Պօղոսը Բաղդասարին դտաւ անկողնի մէջ: Պատահել էր հետեւեալը: Մի ժամ առաջ թշուառ մարդը գնում է Աբրահամ աղայի մօտ վերջնական խօսքն իմանալու և շատ չանցած տուն է վերադառնում գժուածի պէս: Վերցնում է իւր ժանգոտ դաշոյնը, ուղում է գնալ Աբրահամին սպանելու: Գիւլիւմը փորձում է թոյլ չըտալ նրան գնալու: Բաղդասարը հրում է նրան ու վազում դէպի դուրս: Դռները մօտ խեղճ մարդու ձեռները թուլանում են, դուլիւր թեքւում է կրծքին, դաշոյնը ձեռից ընկնում է: Նա թաւալւում է յատակի վրայ և սկսում է խրխուլ ընկնաւորի պէս: Գիւլումը շտապում է պատռել նրա արխալուզի օձիքը ու երեսին ջուր սրսկել: Ոչինչ չի օգնում: Մայր ու օրդի մի կերպ հիւանդին պառկեցնում են անկողին, և ահա կէս ժամ է պառկած է մէջքի վրայ, անիմաստ աչքերն առաստաղին յառած, չի խօսում, չի շարժւում, չի հառաչում անգամ:

Ուստա Պօղոսն անմիջապէս սկսեց գործադրել իւր հնարագիտութիւնը: Նախ և առաջ նա, Յոմանի օգնութեամբ, հիւանդին շուրտուեց երեսի վրայ և սկսեց մէջքից «արիւն առնել»: Բամբակը թաթխելով

սպիրտի մէջ, վառեց և, տահելով հիւանդի թիկունքների մէջ տեղում, թէյի թափակը գլխիվայր դրեց վրէն, Կատարելով այս գործողութիւնը մի քանի անգամ հիւանդի մէջքի վանազան կողմերում, որպէս զի արիւնը մղուի կաշուի տակ, նա վերցրեց ամբիւն և սկսեց անխնայ կտրատել ուռուցները, Յետոյ հիւանդին շուռ տուեց կողքի վրայ և նրա կոկորդին կրպցրեց տասնուհինգ խոշոր տղրուկներ և թոյլ տուեց, որ ծծեն Բաղդասարի յիսունուչորս ամեայ արիւնը, Կէս ժամում տղրուկներն այնքան կշտացան, որ ուռան, կտրացան ու մէկ մէկ պոկուելով, հասուն մրդի պէս, գլորուեցին հիւանդի թաւամազ կրծքի վրայ, Հիւանդն իւր հայեացքը դարձրեց դէպի կինը, Եւ այդ հայեացքն արտայայտեց այնպիսի խորը տանջանք, որ Դիւլիւմի սիրտը սկսեց մորմարուել, Պարզ էր, որ թշուառը պզուտ էր իւր վիճակի վտանգաւորութիւնն ու աւելի տանջւում, որ անկաբող է զգացածն արտայայտելու, Ապագայում պարզուեց, որ այդ օրն Աբրահամ աղան Բաղդասարին ընդունում է շատ կոսիտ, չի էլ ուզում հետը խօսել, Բաղդասարն անպատում է նրան, թքում է երեսին կնոջ ու որդիների ներկայութեամբ, Աբրահամը իւր որդիներին հրամայում է դուրս վռնդել նրան, «վզակոթին տալով», իսկ Իսրայէլը անամօթարար ծիծաղում է երեսին, Դիւլիւմը նայում էր ամուսնուն դառն վշտակցութեամբ և դուխն անզօր երերում, Քսան տաքի կենակցել էր այդ մարդու հետ, քսան տաքի շարունակ դռնուել էր նրա պողպատեայ բռնակալութեան տակ, որպէս դնուած ստրուկ, ճանաչել էր միայն և միմիայն նրա կամքը, հպատակուել էր միայն և միմիայն նրա եսին, միշտ խեղդելով իւր մէջ սեպակաւանը, Եւ ահա այժմ, երբ հարկաւոր էր փոքր ի շատէ ինք,

նուրոյնութիւն, կորցրել էր փնքնիրան ու շղատուած նայում էր բռնակալի երեսին, դարձեալ նրանից տգասելով հրամանների, երբէք նա բաղդաւոր չէր եղել այդ մարդու հետ, բայց և երբէք չէր երեւակայել, թէ կարող է բաղդաւոր լինել նրանից զըրկուելով: Երկար տարիների կենակցութեամբ ամրացած սովորութիւնը փոխարինել էր նրա մէջ ամուսնական սիրոյ զգացմանը, և նա, տանջուելով հանդերձ բռնակալի ձեռքում, զգում էր իւր հոգին ու սիրտը նրա հոգու ու սրտի հետ ձուլուած, միացած: — Ի՞նչ էս ուզում, ա մարդ, ասա, — կրկնում էր նա կսկծալի եղանակով: Եւ ոչ մի պատասխան, բռնակալի չրթունքները կապտել էին, սեղմուել, փակուել երկաթէ դռնակների պէս, և ոչ ոք չըզիտէր ինչ է կատարուում նրաներսում: Նա մտիկ էր անում անշարժ հայեացքով կնոջն, որդուն, և յուրիշ ոչինչ, եւ նրա յամառ քաւացած հայեացքի մէջ կար ինչ-որ սոսկալի բան, որ սառցնում էր Գիւլիւմի արիւնը երակներում: Ուստա Պօղոսը գործադրեց իւր վերջին միջոցը: հրամայեց Օսմանին մօրթել մի սև հաւ, փորոտիքը թաղել հողում ու մարմինը բերել: Լեզգին իսկոյն կատարեց հրամանը: Ուստան հաւը բաց արաւ և միջի կողմով դրեց հիւանդի կրծքին: Սև հաւը պիտի դուրս քաշէր անյայտ ցաւը իւր խորհրդաւոր գօրութեամբ, որ պարզեւել էր նրան գոհհիկ ժողովրդի սնահաւատութիւնը: Ներս մտաւ Մարիամը իւր ամուսնու տղեկցութեամբ և, գլխի շալը մի կողմ չալրտելով, յարձակուեց հօր վրայ: Արդէն դռներին չհասած նա սկսել էր բարձրաձայն լալ և կրծքին զարկել ձեռներով: Մի ծանր, երկարատե հառաչանք թռաւ հիւանդի անսահման տանջուող կրծքից: Այսպէս, ուրեմն, նա մեռ-

նում է: Միթէ, Մեռնում է, չը կարողանալով մի խօսք անգամ արտասանել:

Նա արտասուեց, խուլ, ընդհատուող հեծկլտանքով:

Մարիամի ամուսինը - Ստեփան Փոքսողեանը բողոքեց ուստա Պօղոսի գործադրած միջոցների դէմ: Այն օրից, երբ նա դէն էր ձգել ասիական քօշերն ու հագել եւրոպական կօշիկներ, իւրացրել էր կիսալուսաւոր քաղաքացու այն յաւակնութիւնը, որ աւելի հակակրեւի է քան լիակատար գոնհկութիւնը:

— Մարդուն գցել ես, տաւարի պէս կտրտել, կարծում ես դրանով կառողջացնես: Ժամանակ է այդ ածելին-մածելին, տղրուկ-մզրուկը դէն չպրտել: Աչքներդ բաց արէք, խեղճեր, աշխարհ տեսէք: Բըժիշկներ են գուրս եկել, որ գերեզմանից մեռելին հանում են, ոտքի կանգնեցնում, կեանք տալիս: Գիտութիւն է հարկաւոր, ուսում է հարկաւոր, թէ չէ... դալլաք: չը, ինչ ես երեսիս մտիկ անում, ուստա Պօղոս, մարդուց երկու ոշխարի արիւն ես հանել, տնաքանդ, էլ նա ոտքի կը կանգնի... Նա իսկոյն բժիշկ կը բերեմ:

Ամբողջ օրը Բաղդասարը մնաց մի և նոյն դրութեան մէջ, գրեթէ մի և նոյն դիրքում—կողքի վրայ անշարժ ձգուած, ինչպէս բունից կտրուած ծառ: Ոչինչ փոփոխութիւն, ոչ դէպի լաւը, ոչ դէպի վատը, նոյն սեղմուած շրթունքները, նոյն արհնալի աչքերը, նոյն անսահման տանջանքը դէմքի վրայ:

Իրիկնադէմին Ստեփանը ներս մտաւ Զիլզիլ քաղաքի միակ բժշկի հետ: Դա մի ծեր և խուլ մարդ էր: Վաղեմի գիտութեան աղքատիկ սլաշարը նրա ակեզարդ գլխում չորացել էր այնչափ, որչափ արիւնը պաղել երակներում: Հարկաւոր եղաւ բաւական մեծ ջանք Բաղդասարի յանկարծակի հիւանդութիւնն:

ու դործադրուած միջոցները նրան բացաղբելու համար։ Այս մանաւանդ դժուար էր Ստեփանի համար, որ դործ էր ածում այնպիսի բառեր, որոնց դուր կը լինէր որոնել ուսաց բառարանում։ Բժիշկը ոչինչ չը հասկացաւ, ուստի և դեղատոմս դրեց ու հեռացաւ։

Հիւանդի զլխի մի կողմում նստած էր Գիւլիւմը, միւս կողմում Մարիամը, երկուսն էլ ձեռները ծոցներին դրած։ Մերթ ընդ մերթ Գիւլիւմը հառաչում էր և շալի ծայրով արցունքը սրբում։ Նա ոչինչ չը գիտէ անել, բացի հառաչելուց, արտասուելուց, տանջուելուց, որովհետեւ միայն այս բանում նրանից կամքի ոյժ չի պահանջուում։ Համեմատաբար աւելի եւրանդ էր արտայայտում Մարիամը։ Փոխում էր հիւանդի կրծքի կումպրէսը, ամեն ժամ ճշգրտութեամբ դեղը դդալով ածում նրա բերանը։ Մերթ ուղղում էր հիւանդի բարձը, մերթ վերմակը, հէնց այնպէս, տանջուող հօրն օգնելու փափագից դրդուած։ Նա ձգտում էր թշուառի աչքերի մէջ կարդալ նրա ցանկութիւնը, և իզուր։ Մի և նոյն ժամանակ, աշխատում էր հանգստացնել մօրը։ Ոչինչ, կանցնի, տաքարին մարդ է, բարկութիւնից արիւնը գլխին է խլփել, կըհանգստանայ ու կառողջանայ։ Գիւլիւմը յուսահատութեամբ շարժում էր գլուխը։ Նա չը գիտէ Բաղդասարի ցաւը, երեխայ է, խելք չունի։ «Մարդը դամւա է»։

Երեկոյին, վերջապէս, համարձակուեցին այցելութեան դալ Գիւլիւմի քոյրերը իրանց ամուսինների հետ նաև հարևաններից ոմանք։ Եւ սրանք իրանց անօգուտ հարցերով, կեղծ ու անկեղծ ախուլախերով կըկնապատկեցին Գիւլիւմի տառապանքը։ Ոմանք անքաղաքավարութիւն ունեցան մինչև անգամ հարցնելու, արդեօք Բաղդասարը որչափ ժառանգութիւն կըթողնի մահից յետոյ որքի համար։ Տէր Աստուած,

Գիւլիւմը ոչինչ չըզիտէ, թողէք լուռ արտասուի ու տանջուի, նա միայն այս կարող է անել:

Հարեան կանանցից մէկը պնդում էր, թէ Բաղդասարին սատանաներն են կապկապել, հարկաւոր է կանչել մի կախարդ, որ նրանց փախցնի:

Այս խելօք առաջարկութիւնը շարժեց ներկայ եղողներից միայն մէկի ծիծաղը: Դա Գիւլիւմի կրտսեր քրոջ Ջառիկի ամուսինն էր - Դաւիթ Դանիէլեանը, մի վերին աստիճանի ջերմեռանդ լիւթերական:

—Քոյր Շուշան,— ասաց նա սատանաների մասին խօսողին,— մեղք ես գործում, մեծ մեղք: Մեր ամենքի փրկութիւնն ու կորուստը Յիսուսի ձեռքին է: Աղօթք արա՛, քոյր Գիւլիւմ, մենք ամենքս միայն աղօթքով կարող ենք փրկուել: Տէր, օգնի՛ր մեղ,— աղօթեց նա ինքը, ձեռները կցելով միմեանց, գլուխը ծռելով դէպի ուսը և աչքերը նորադարձի ջերմեռանդութեամբ ուղղելով վեր,— Տէր, ների՛ր Բաղդասար եղբօր մեղքերը: Աղօթք արա՛ մտքումդ, Բաղդասար եղբայր, Նհովան հայր Աբրահամի հաւատը փորձեց, զոհը չընդունեց... Բաղդասար եղբայր, Խահակի և Յակովբի Աստուածը քեզ կօգնի, աղօթք արա...:

Ջարմանալի բան: Հիւանդը, որ մինչև այդ վայրկեան լուռ էր, յանկարծ ցնցուեց, այլափոխուեց: Նա աչքերը դարձրեց դէպի մոլեռանդ բողոքականը, նայեց նրա երեսին սուր, երկարատև հայեացքով և արտասանեց.

—Ձայնդ կտրի՛ր, փառիսեցի...

Ոչ մի ազգականի նա այնքան չէր ատում, որքան Դաւիթ Դանիէլեանին: Նա միշտ կրկնում էր, թէ մի մարդ, որ դաւաճանել է պապերի կրօնին, ընդունակ է հարազատ եղբօրն անգամ փողով ծախելու: Բացի սրանից, նա առ հասարակ բողոքակա-

նութիւնը համարում էր անհաւատութիւն և չէր քաշուում նոյն իսկ շուկայում երես առ երես հայրոջէ կրօնափոխներին:

Հիւանդի լեզուի անպասելի բացուիլն առաջացրեց իրարանցում: Մարիամն ուրախութիւնից ճշաց ու ոտքի թռաւ: Գիւլիւմը հետեց նրա օրինակին: Վարդանը սենեակի անկիւնից վազեց, մօտեցաւ հօր անկողնին և աչքերը յառեց նրա երեսին: Հիւրերն ապշած նայեցին միմեանց: Միայն Դաւիթ Դանիէլեանը չըշփոթուեց: Նա շարունակ արտասանում էր. «Օրհնեալ լինի Քո զօրութիւնը, Յիսուս, սիրելի Յիսուս»:

—Դ՛ուրս արէք անհաւատին, դ՛ուրս,—զարձեալ արտասանեց հիւանդը, որի աչքերը նմանում էին թէյով լի պնակներին:

—Բաղդասար եղբայր, մեղք ես գործում,—ասաց մոլեռանդ բողոքականը,—աղօթք արա, յիշի՛ր Յովք հրանելուն... Նրա երես-մերեսը փթում էր, բերանը որդներով լեցուել էին, միսը թափւում էր մարմնի վրայից, բայց նա էլի աղօթք էր անում: Տանջուիր, բայց աղօթք արա, հոգիդ դրախտ կըգնայ, Նհովայի զոգը, աղօթք արա...

Դարձեալ հրաձգ. հիւանդը զարմանալի արագութեամբ գլուխը բարձրացրեց, նստեց: Այժմ նրա այտերը կապտել էին, կոկորդի երակները դուրս ցըցուել երկաթի թելերի պէս: Նրա լեզուի կապանքը խորտակուեց: Անէծքների ու հայրոյանքների մի անգսպելի հոսանք դուրս ժայթքեց նրա բերանից: Եւ ի՛նչ հայրոյանքներ: Ներկելով ոտից մինչև գլուխ ատելի կրօնափոխին, նա դարձաւ միւս հիւրերին, տուեց իւրաքանչիւրին պատշաճաւոր ածական, յիշեց նրանց հայրերին, պապերին, չմոռացաւ և նրանց ազգականներին: Վանգ առաւ մի քանի վայր-

կեան և յետոյ իւր ամենակատաղի, ամենաինքնատիպ յիշոցներն ուղղեց Աբրահամ աղայի ընտանիքին ու ամբողջ տոհմին: Նրա գրգռումը հասաւ իւր գեներտին, շունչը սպառուեց, կոկորդը սկսեց արձակել ինչ-որ վայրենի հնչիւններ, բերանը փրփրեց, դէմքը կապտեց լեղակի պէս, և նա, որպէս գնդակահար, ընկաւ մէջքի վրայ:

— Տէր, ներիր այս մարդուն, — ասաց Դաւիթ Դանիէլեանը:

— Ա կնիկ, մարդը մեռնում է, տէրտէր կանչել տուր, ասացին հարևան կանայք:

Դղակը վերցնելով, Վարդանը վազեց փողոց:

XIII

Դիշերը ցուրտ էր ու մթին: Ուրիշ ժամանակ Վարդանն երբէք այս պահին մենակ չէր դուրս գայ տնից, այս անգամ չրվախեցաւ: Ահա եօթ-ութ ժամ է նրա հոգին հեծծում է կատարուող անցքի ծանրութեան նեղքոյ, սիրտը մորմոքւում:

Այդպէս, ուրեմն, նրա հայրը մեռնում է, նա մեռնում է որբ, անտէր, անպաշտպան: Աբրահամ աղան սուտ բարեկամութեամբ մոլորեցրեց խեղճ մարդուն, առաւ փողերն ու կլանեց: Կլանեց նաև Վարդանի փողերը: Ախ, այդ սիրելի, պաշտելի փողերը, որոնց վրայ այնքան յոյսեր էր դրել: Ախ, որպիսի եռանդով ու սիրով էր նրանց ժողովել, կոպէկ-կոպէկ, այն օրից, երբ աչք էր բաց արել, հօրը խնդրելով ու աղերսելով, որ ամեն երեկոյ մի քանի կոպէկ գցի նրա տուփը, Օսմանին գիշեր-ցերեկ աշխատեցնելով, որ գդալներ չինի, ընկերներին խաբելով, իրան գրկելով, մուշտարիների առջև հաղար ու մի սուտ եր-

դուռներ ուտելով իւր խսիրները, պարաններն ու կոտրած արկղները ծախելու համար:

Դեռ մի տասն օր առաջ մտքում տեսակ-տեսակ ծրագիրներ էր յօրինում իւր գումարը կրկնապատկելու, եռապատկելու, տասնապատկելու համար: Այո, նա մինչև անգամ զգում էր ինչ-որ հեռաւոր, թոյլ կապ իւր և իւր իղէալի, իւր երազների վերջնակէտ հրէւյրի մէջ: Ոչ ոքի չէր ասում, բայց զգում էր: Եւ յանկարծ բոլոր ցնորքներն ոչնչանում են, բոլոր ծրագիրներն օդն են ցնդում և ի վերայ այսր նա որբանում է: Իսկ մայրը, այդ թշուառ, անլեզու կինն իւր դառն հառաչանքներով, ախուլախով, արցունքներով աւելի զօրացնում է նրա վիշտը: Այդ կինն այրիանալու է և ընկնելու է Վարդանի վզին իբրև անտանելի ծանրութիւն: Արի ու նրան կերակրիր: Եւ ինչո՞ւ են հարկաւոր այդ մայրերը որդկերանց համար: Ծնեցին իրանց զաւակներին, փոքր ինչ մեծացրին, թող մեռնեն: Տխուր, մռայլ ապագայ...

«Դայլ եղիր, գայլ, կե՛ր, որ քեզ չուտեն», հնչում էին նրա ականջին հօր խօսքերը, որպէս առաւօտեան զանգերի զօղանջիւնը բարեպաշտի ականջին: Դայլ: Ոչ, գայլ լինելը քիչ է: Պէտք է լինել օձ, վագր, շուն, կարիճ, խայթել, կծել, կեղեքել, միայն թէ ոխ հանել այդ անխիղճ, անաստուած, զարշելի ու զագրելի Աբրահամից: Միայն նրանից: Քիչ է. նրա եղբորից էլ, որդիներից էլ, թոռներից էլ, ամբողջ տոհմից: Ախ, կըզայ, արդեօք, այն երջանիկ օրն երբ Վարդանը միջոց կունենայ հօր աւանդը կատարելու մէկ, իւր սրտի կրակը հանգցնելու — երկու, փողի ու ժով բոլորին տիրելու ու ստրկացնելու — երեք: Կըզայ, անպատճառ կըզայ: Վարդանն ամեն ինչ կանի, որ հարստանայ և ամենքին ներշնչի սարսափ: Այն

ժամանակ նա ոչ ոքի չի խնայի, ոչ բարեկամի, ոչ ընկերոջ, ոչ ազգականի:

Դեռահաս կրծքի տակ բարձրացել էր անսովոր փոթորիկ, մանկական հոգին ալեկոծւում էր: Բոպէ առ ըոպէ վրիժառութեան աւիւնն այնքան սաստկանում էր նրա մէջ, որ երկու ձեռներով բռնում էր գլխի սե մազերն ու ձգձգում ամբողջ ուժով: Գարծես, այդ խիտ ու կոշտ մազերի մէջ էր նստած Աբրահամը իւր բոլոր մերձաւորներով, իւր նախնիքներով ու ապագայ սերունդներով:

Հազիւ նա դուրս էր եկել փողոց, երբ լսեց իւր անունը: Դարբասի ետեւից, ձմերային թանձր մառախուղի միջից յայտնուեց մի նիհար կերպարանք:

— Ես եմ, մի վախենար, — արտասանեց մի մեղմ պատանեկական ձայն:

Ձեռները ցրտից կոնատակերին դրած, ամբողջ մարմնով դողդողալով, Մինասը մօտեցաւ Վարդանին:

— Հայրդ ինչպէս է, — հարցրեց նա:

— Մեռնում է:

Մինասը, մի ցաւակցական ճիշ արձակելով, մի քայլ յետ դրեց: Խաւարի մէջ մահուան անունը նրան թուաց սարսափելի: Նա անկեղծ սրտով կարեկցեց ընկերոջը:

— Օօ, դու մենակ կը վախենաս, — ասաց նա, — ես քեզ հետ կը դամ տէրտէրի մօտ: Գիտես, մի ժամ կըլինի կանդնած էի դարբասի մօտ. սպասում էի մի դուրս եկողի, որ հօրդ մասին հարցնէի: Հայրս է ինձ ուղարկել: Վախենում էի ներս մտնել, Օսմանը ինձ կըծեծէր: Ախ, ինչից է մեռնում խեղճ հայրդ:

— Սպանել են, պատասխանեց Վարդանը, ատամները կըճտելով:

Մինասը ցնցուեց: Ձեռները դնելով ասուեայ դօտիի մէջ, դողդոջուն ձայնով հարցրեց:

— Ո՛րվ։

— Աբրահամ աղան։

Եւ Վարդանը պատմեց բոլորը։ Հայհոյեց հօր անզուլթ հարստահարիչին ճիշդ այն յիշոցներով, որ լսել էր հօրից մի քանի ըռպէ առաջ։

— Մի, մի, — զսպեց նրան Մինասը, որ երբէք ոչ ոքի չէր հայհոյում, — հայհոյելը մեղք է։ Դու սուս արա, Աստուած ինքը Աբրահամ աղային կը պատժի։

— Դու էլ թող է, Աստուած, Աստուած, եթէ Աստուած պատժող է, թող հէնց հիմայ, հէնց այս ըռպէին պատժի, որ սիրտս հովանայ։

— Դողերը, մարդասպանները, աւազակները, ուրիշներին կողոպտողները, բոլորը միւս կեանքումն են պատժուում, գեհենի մէջ։

— Տէրտէր-վարդապետի պէս ես խօսում։ Միւս կեանքս ո՛րն է։ Չեմ ուզում քո միւս կեանքը։ Թող այս աշխարհում լաւ ապրեմ, յետոյ ուր տանում են տանեն հոգիս։ Անխելք, եթէ ուզում ես ճշմարիտն իմանալ, իսկի միւս կեանք չըկայ էլ։

— Բա՛մ, — ապշեց Մինասը։

— Հապա՛։ Միւս կեանքը, արքայութիւն ու ղժոխքը խեղճերն են հնարել իրանց այրուող սիրտը հովացնելու համար։ Հասկացա՛ր։

— Վա՛րդան, Վա՛րդան, — գոչեց Մինասը, սարսափելով ընկերոջ աստուածընդդէմ խօսքերից, — այդ ինչեր ես ասում, Աստուած քեզ կը պատժի, մեղայ եկ...

— Դու յիմար ես, — արտասանեց Վարդանն արհամարհանքով։

Այդ պահին նրանք անցնում էին Աբրահամ աղայի տան մօտով։ Վարդանը մի քանի վայրկեան կանգ առաւ, նայեց լուսամուտներին, որոնց միջով դէպի փողոց էր սփռուել լամպարների դեղնադոյն

չոյսը: Դա մի երկյարկանի շինութիւն էր բաւական եւրոպական ճաշակով: Ստորին յարկի լուսամուտները փոքր էին, նեղ և երկաթէ ցանցերով պաշտպանուած, վերին յարկի լուսամուտները մեծ էին և առանց ցանցերի:

Արրահամ աղան իւր ընտանիքով բնակւում էր տան վերին յարկում, իսկ ստորին յարկը ծառայում էր իբրեւ ամբարանոց, ուր դարգուած էին զանազան ծախու ապրանքներ, մեծ մասամբ մահուղեղէն—երեւի, Մօրօզովի սեպհականութիւնը:

Արրահամն ունէր երեք որդի և երկու աղջիկ: Մեծ աղջիկը ամուսնացել էր մի տարի առաջ, փոքրը դեռ տանն էր: Մեծ որդին, Արշակը արդէն աւարտել էր ուսումը քաղաքային ուսումնարանում և այժմ ծառայում էր հօր խանութում: Երկրորդը մեծ քթով, լայն բերանով Դանիէլն էր. նա, որ ուսումնարանում նկատեց Վարդանին, թէ երջանիկ հրէայի անունը Ուռշիդ չէ, այլ Ռօդշիդ: Երրորդ որդին վեց տարեկան մանուկ էր Սամուէլ անունով:

Նայելով լուսամուտներին, Վարդանը երեւակայեց ամբողջ ընտանիքը նստած սեղանի շուրջը հանգիստ ընթրելիս: Նրա ռիւր զրգուռեց մանաւանդ դէպի իւր հասակակիցները, Յանկարծ նրա զլխում ծաղեց մի չար միտք—վրիժառութեան մի սոսկալի միջոց: Դիշերուայ կիսին կոտրել ներքին յարկի լուսամուտները, թափել ներս նաւթ և վառել: Քանի մի ըրպէտմ կրակը կը զրաւի ամբողջ ամբարանոցը, յետոյ կանցնի վերին յարկը, տնեցիները քնած պահին: Եւ Արրահամ աղան կայրուի իւր ամբողջ ընտանիքի ու ամբողջ հարստութեան հետ: Եւ ոչ միայն նա, այլ և Խսրայէլն իւր ընտանիքով, որ բնակւում է տան միւս մասում: Ի՞նչ հիանալի միտք: Բայց ո՞վ կ'իրագործի նրան: Ինքը Վարդանը: Օօ, ոչ, վտանգաւոր է: Գու-

ցէ Օսմանը՝ Ոչ, նա յիմար լեզգի է, այսպիսի բաներ չի անի, նրա վրիժառուութեան միակ զէնքը դաշոյնն է։

— Ախ, հրտեղ է Մկիշը, — շնչաց Վարդանը, շարունակելով իւր միտքը լսելի ձայնով, — նա անվախ տղայ է։ Նա կարող էր անել։

— Ի՞նչ կարող էր անել, ի՞նչ ես խօսում, — զարմացաւ Մինասը, — զնանք, ինչո՞ւ կանգնեցիր այս տան առաջ։ Հայրդ կըմեռնի առանց սուրբ հաղորդութեան, մեղք է։

— Կորիւր, դու լաւ ընկեր չես, վախկոտ ես։

Նա շարունակեց ուղին։ Մի քանի քայլ անցած, դարձեալ կանգ առաւ։ Վրիժառուութեան փափազնարդէն այնքան զօրեղ էր նրա մէջ, որ սառնասիրտ անցնել տալի տան մօտով անկարող էր։

— Մինաս, մի քար գտիր, — պատուիրեց ընկերօջը։

Մինասը գետնից վերցրեց մի բոռնոցքաչափ քար և տուեց նրան։

— Մինաս, դու ինձանից լաւ քար գցող ես, հապա, փորձիր, կարող ես այ այն մէջտեղի լուսամտին խփել։

— Ինչո՞ւ խփեմ։

— Հէնց այնպէս, իմ խաթրու։

— Ոչ, լաւ չէ, ներսում մարդիկ կան, քարը կըդիպչի նրանց։

— Ըր, ես քեզ մարդ ասողին ինչ ասեմ, — դու եց Վարդանը։

Նա ամբողջ ուժով քարը գցեց դէպի վերին լուսամուտներից մէկը։ Լսուեցին փշրուող ապակիների հնչիւններ ամայի փողոցի մթութեան մէջ։ Վարդանն, ինքն իւր արածի հետեանքից սարսափելով, փախաւ առանց յիտ նայելու։

—Այդ ինչ արե՛ր, ինչո՛ւ,—գոչեց Մինասը, հազիւ հասնելով նրան,—դէ լաւ, մի փախչի՛ր, ոչ ոք չի վազում ետեւիցդ։

Տէր-Համբարձումը ստիպուած եղաւ սուրբ հաղորդութիւնը Բաղդասարի բերանն ուժով մտցնել, ժայթքելով կատաղի յիշոցների բուռն հոսանքը, հիւանդը նորից զրկուել էր խօսելու ընդունակութիւնից։ Դա երկրորդ հարուածն էր, որին երկու օր անցած յաջորդեց երրորդը։ Այնուամենայնիւ, Բաղդասարն ապրեց մի ամբողջ շաբաթ, այլ ևս մինչև վերջին շունչ չըկարողանալով մի բառ արտասանել։

XIV

Գիւլիւմն այրի է, Վարդանը որբ, խանութն անտէր։ Այժմ, երբ մարդն այլ ևս հաշիւները վերջացրել է այս աշխարհի հետ, ոսկորները հանգչում են գերեզմանում, բոլորը ցաւակցում են նրա կնոջն ու որդուն։ Այժմ նոյն իսկ ինքը Բաղդասարը վատ մարդ չի թւում։ Անօգուտ մարդ էր, ճիշդ է, բայց, չէ որ և՛ անվնաս էր։ Մի քիչ լեզուն անհանգիստ էր, ինչ անենք, խօս զուր տեղը չէր հայհոյում մարդկանց։

Այսպէս էր դատում Զիլզիլ քաղաքի հասարակական կարծիքը, որի գլխաւոր բերանն էր ուստա Պօղոսի սափրատունը։ Այժմ այստեղ անխնայ դատափետում էին Աբրահամ աղային ու նրա «աներես» եղբօրը։ Անխիղճ մարդիկ, կլանեցիք թշուառ մարդու արիւն-քրտինքով վաստակած հարստութիւնը, իրան էլ գերեզման մտցրիք, և այժմ ինքներդ ապրում էք հանգիստ։

Մակայն այս վերջին մեղադրանքը չատ էլ իրաւացի չէր, Աբրահամը հանգիստ ապրելու բաղձից հեռու էր։ Նա իւր հաշիւները գեռ չէր վերջացրել Մա-

բողոքի հետ, վախենում էր, որ պարտատէրը դատ բանայ Դաւրաշեան եղբայրների դէմ: Դառն յանդիմանում էր Իսրայէլին, որ իրան մոլորեցրեց և գցեց վտանգի մէջ: Ինչ կար, որ ագահութիւնը կուրացրեց նրանց. գլուխները քաշ ըուրլուն քսան կոպէկ փող էին վաստակում: Այժմ նրանց անունը արատաւորուեց ամբողջ քաղաքում, խայտառակուեցին... Եթէ Մարոգովը դատ բաց անի, կարող է նրանց մինչև անգամ բանդ նստեցնել:

— Դադարկ բան է, Մարոգովից իսկի մի վախենար, — հանգստացնում էր եղբօրն Իսրայէլը, — Մոսկուան շատ հեռու է այստեղից: Ոչ ոք ռիսկ չի անի այնտեղից այստեղ գալու ու մեր դէմ դատ սկսելու: Մոսկուացիները Կովկասցիների խանչալից վախենում են: Մէկ էլ որ ինչ բան է Մարոգովի համար երեսուն հազարը, որ նրա պատճառով իւր գլուխը զալմաղալի մէջ գցի:

Աւելի ճնշում էր Աբրահամին Բաղդասարի մահը: Այս յանկարծակի մահը ծանրացել էր նրա սրտի վրայ: Պատրաստ էր իւր պարտքը հատուցանել հանգուցեալի ընտանիքին լիովին, միայն թէ կարողանար լռեցնել վրդովուած խղճի ձայնը, բայց Իսրայէլը չէր թողնում:

— Էշի վրայ նստելը մի ամօթ, իջնելն-երկու, — կրկնում էր նորամուլ վաճառականը թուրքերէն առածը թուրքերէն լեզուով, — եթէ հիմայ մեր պարտքը տանք Բաղդասարի ընտանիքին լիովին, կասկածողներն էլ կրհաւատան, որ սուտ ենք կոտր ընկել, Մարոգովն էլ մանէթին մանէթ կուզի: Մի և նոյնն է Բաղդասարը խօս մեր փողերով յարութիւն չի առնի: Ո՛վ էր նրան խնդրում մեռնել, ապրէր ինչքան ուզում էր: Քէֆը տուեց, մեռաւ, Աստուած հոգին լուսաւորի: Աշխարհ է, եթէ մէկը չընկնի, միւսը չի

բարձրանայ, ինչ հարկաւոր էր Բաղդասարին շատ փող: Նա իսկի փող ծախսելու շնորհք էլ չունէր: Մի կնիկ ունի, մի հատ էլ որդի, ինչ-որ թողել է, հէրիք է նրանց: Փողը քեզ ու ինձ է հարկաւոր: Անուններս խայտառակել պըծել ենք, մի քանի շահի փող յետ չըզցենք մեր որդիների համար: Վեր կենանք ու թքածներս յետ լզենք: Մանէթին քսան, մի կոպէկ էլ աւելի չեմ տայ...

Պակաս չէր զիմադրում Աբրահամին և՛ նրա աւագ որդին, Արշակը: Այս քսանուերեք տարեկան, նիհար դէմքով, ներս ընկած փորով և զկեռի ձեռով զուրս ցցուած կոկորդով երիտասարդն իւր բարոյական կազմով ու աշխարհահայեցողութեամբ Իսրայէլի կատարելատիպն էր աւելի մեծ ախորժակով և աւելի սուր ատամներով: Ահա ինչու Իսրայէլը սիրում էր նրան որպէս հարազատ որդուն, չէր թագցնում նրանից ոչ մի առետրական գաղտնիք և միշտ կրկնում էր եղբոր մօտ. «Արշակն ապագայ ունէ»: Մինչդեռ նոյն սէրը նա չէր տածում դէպի իւր երկրորդ եղբորորդին, Դանիէլը: Սրտով բարի, թէև ոչ առեւերես զգայուն Դանիէլը հասկանում էր, որ իւր հօր ու հօրեղբոր արարքը դատապարտելի է:

Մի օր նա ասաց Արշակին.

— Նս ամօթից կարմրում եմ Վարդանին փողոցներում տեսնելիս:

— Ինչո՞ւ:

— Ինձ թւում է, որ նրա հօրը մենք սպանեցինք:

— Յիմար ես, ոչինչ չես հասկանում:

— Հասկանում եմ. հաւատա, ամեն բան հասկանում եմ, որքան էլ ինձանից թագցնէք...

— Թագցնելու բան չըկայ: Վաճառականներ ենք, ապրանքներս փթում էր ամբարներում, սնանկացանք:

— Սուտ ես ասում, Արշակ, Մեր հայրն ու հօրեղբայրը շատ ստոր բան են արել:

— Որ լեզուդ փորձ քաշես, վատ չի լինի:

— Հայրիկը վատ մարդ չէ, մեր հօրեղբայրն է նրան խելքից հանողը: Միշտ ասել եմ, էլի պիտի ասեմ. աշխարհում միայն ազնուութեամբ կարելի է բաղդաւոր լինել:

— Օհ՛, այդ ո՞ր վարժապետն է քեզ այդ դասը տուել:

— Դրա համար վարժապետի դասեր հարկաւոր չեն, բաւական է, որ խիղճ ունենանք:

— Ինչպէս տեսնում եմ, դու իմ գլխին Աստծու պատիժ ես դառնալու:

— Կըղաճես, Արշակ, եթէ ուրիշների փողերն ուտես:

— Էհ, չենք ուտի, — քաղցած կըմնանք: Դու վաճառականութիւն չես հասկանում: Երեխայ չես, բայց յիմար ես ու յիմար էլ կըմնաս: Մարդ պիտի մօր արգանդից խնայե՞ր ծնուի, թէ չէ՝ ուսումնա ու խրատը նրան ինչ չօղնեն: Մինչև անգամ վեց տարեկան Սամուէլը քեզանից աչքաբաց է: Այ, տես: Սամուէլ, գոչեց Արշակը իւր կըտսեր եղբօրը:

Վիճաբանութիւնը տեղի ունէր Դաւրաշեանների տան առջև ձգուած բաւական մեծ պարտիզում: Սամուէլն իւր փոքրիկ քրոջ Մարթայի հետ խաղում էր, ձիւնից գնդակներ շինելով ու միմեանց վրայ դարսելով: Մանուկն իսկոյն վազեց, մօտեցաւ կարմրած այտերով ու կապտած ձեռներով և կանգնեց եղբայրների առջև:

— Սամուէլ, դու բազէն ես շատ սիրում թէ հաւը, — հարցրեց Արշակը:

— Բազէն:

— Ինչո՞ւ:

— Հաւն ինչ է, [Թռչել չի կարողանում։ Բազէն ծիտ է բռնում։

Արշակը հանեց զրպանից երկու թղթաղրամ— մի կեղտոտ ու հնամաշ երեք ըուրլանոց և մի նոր, մաքուր ըուրլանոց։

— Սամուէլ, ո՞րն ես ուզում, — հարցրեց նա, ցոյց տալով թղթաղրամները։

— Այ, այս եմ ուզում, — խլեց Սամուէլը հնամաշ թղթաղրամը։

— Սամուէլ, որ մեծանաս, ինչ պիտի անես։

— Պիտի գնամ Մակարիա, Մոսկով։

— Ինչո՞ւ։

— Ապրանք բերելու, ծախելու, որ փող աշխատեմ։

— Տեսնում ես, — դարձաւ Արշակը Դանիէլին, — վեց տարեկան է, բայց շատ բան է հասկանում։

— Աշակերտդ է։

— Այո, ես եմ սովորեցնում նրան։ Բեզ էլ են խրատում, բայց Աստուած քեզ այնքան խելք չի տուել, որ լսածդ ու տեսածդ հասկանաս։ «Ամօթից կարմրում եմ Վարդանին փողոցներում տեսնելիս»։ Բա՛ն ասաց։ Հարցնող լինի, ինքը Վարդանը կըկարմրէր քեզ տեսնելիս, եթէ դու նրա տեղն ու նա քո տեղը լինէիք։ Իսկի՞նք։ Մատդ բերանը չըզնես, կուլ կըտայ։ Մի քանի անգամ նա եկել է մեր մաղաղին, հետը շատ եմ խօսել, գիտեմ ինչ պտուղ է։ Դու տես, նա մեծանայ ինչեր է անելու, քանի քանիսին է չոր տափի վրայ թողնելու։ Վաճառականութիւնը մօր արգանդումն է սովորել։ Դու նրան մի խղճա, քո մասին հոգս արա, ա խեղճ, ա ողորմելի...

XV

Ստեփան Փորսողեանը իւր զորանչին խորհուրդ էր տալիս համաձայնուել Դալբաշեաններից բուրլուն քսան կոպէկ ստանալու։ Մնանկ վաճառականին շատ էլ պատին սեղմելը լաւ բան չէ։ Մարդիկ մի անգամ արդէն իրանց վարկը կորցրել են. շատ բարկացնես, մի կոպէկ էլ չեն տայ։

Դժբաղդութիւնն այնքան խախտել էր Դիւլիւմի հաւատը դէպի մարդիկ, որ նա իւր փեսայի անկեղծութեան մասին անգամ կասկածում էր։ Միակ մարդը, որին կարող էր անպայման հաւատալ, հարազատ եղբայրն էր—Մարտիրոս Հախվերդեանը։ Բայց նա էլ տասնութեց տարուց աւելի էր բացակայ էր Զիլզիլ քաղաքից, թափառում էր առեւտրական գործերով՝ զանազան երկրներում։ Վերջին տարիները նրա նամակները ստացւում էին Անդրկասպեան երկրից։ Այստեղ նա քայլ առ քայլ ուղեկցում էր ուսեսաց զօրքերի յաղթական արշաւները, մի պատերազմող զինդի մատակարարելով զանազան մթերքներ։

Դիւլիւմը Վարդանի ձեռքով զրեց եղբօրը, խընդրելով, որ շուտով գայ ու կարգի բերի հանդուցեալի գործերը։ Մի ամիս անցած, եկաւ Հախվերդեանը։ Քոյրերը հազիւ ճանաչեցին նրան։ Զիլզիլ քաղաքից հեռանալիս Մարտիրոս հազիւ քսան ու մէկ տարեկան երիտասարդ էր, բարակ, նորաբոյս բեղերով, նիհար, թուլակազմ։ Այժմ առողջ, կարմրերես, գուլարթ տղամարդ էր արդէն բաւական ճերմակած քոնքերով և ճաղատ գլխով։ Նրա ամբողջ էութիւնից բուրում էր գործնական և ինքնավստահ մարդու այն աշխոյժը, որ ծոյլ և անսովտահ մարդկանց ներշնչում է նախանձ։

և ատելութիւն: Թափառելով երկրից երկիր, պարապելով ամեն տեսակի առևտրական գործերով, չփութելով ամեն տեսակի մարդկանց հետ, կրելով հազար ու մի նեղութիւն, այժմ, երեսունութ տարեկան հասակում, կեանքի փորձիչ բովով անցած մի տղամարդ էր, որին խաբելը դրեթէ անհնարին էր:

Առանց ժամանակ կորցնելու Հախվերդեանը ձեռքըն առաւ բոլոր գործերը, մտաւ Դալբաշեանների հետ բանակցութեան մէջ և իսկոյն հասկացաւ ինչ տեսակի մարդկանց հետ գործ ունի, ուստի շտապեց հաշիւները վերջացնել մանէթին բսան կոպէկով: Այնուհետև խանութի ապրանքները բաւական աջող դնով վաճառեց ուրիշի և հաշիւները բարեխղճաբար ներկայացրեց Գիւլիւմին:

Այս բոլոր գործերի մէջ նրան օգնում էր Վարդանը: Եւ նա ցոյց տուեց այնպիսի հաշուագիտութիւն ու մտքի արթնութիւն, որ զարմացրեց Հախվերդեանի պէս հմուտ մարդուն: Բայց, այդ մանուկն ինքն ըստ ինքեան կատարեալ գանձ է: Պարճ միջոցում փորձուած մարդու ձեռքի տակ կարող է դառնալ հազուադիւս վաճառական: Մեղք է նրան թողնել անուշադիր:

— Գիւլիւմ, — դարձաւ մի երեկոյ Հախվերդեանն իւր քրոջը, — թող Վարդանին հետս տանեմ Բագու:

— Ախ, առանց նրա ես կարող եմ ապրել: Աչքի լոյս մի հառիկ տղայ ունիմ, նրան էլ օտարութիւն ուղարկեմ: Հերիք չէ, որ դու ինքդ գնացիր օտար երկիրներ, մօրդ թողնելով դառն աքաղաղի մէջ: Խեղճ կնիկը հէնց քո հոգսից մեռաւ:

— Էէ, էէ, իմ հոգսից մեռաւ: Պառաւեց, մեռաւ էլի: Այս մայրերն էլ զարմանալի են, տիղի պէս կը պչում են իրանց որդեկերանց, պոկ չեն գալիս:

— Քեռի, ինչ լաւ ասացիր, դրուստ սրտիցս:

ձայն տուեցիր. — դոչեց Վարդանը, որի համար մայրըն արդէն ձանձրալի էր դարձել:

— Դէ լաւ, հին դարմանը քամուն չըտանք: Քեզ էլ, Գիւլիւմ, Վարդանի հետ կըտանեմ Բագու: Վարդանը, փառք Աստծու, յիմար տղայ չէ, մինչև անդամ խելօք է, ինչպէս կարելի է նրան թողնել այս յետ ընկած քաղաքում: Սկաժիտ սլաժալտտա, ինչ կայ Զիլզիլում, հը մ, վողրաթներ, մեծ մեծ առուտուրներ, թէ հանքեր կամ գործարաններ: Ես վամ սկաժու, սլառշիվկս գօրօղ, մարդ էլ չըկայ, որի հետ երկու խօսք խօսես քաղաքավարի: Այ, Բագուն ուրիշ բան է, մասն սլաշտնի: Հիմայ ով գլխում մի հաւի չափ խելք ունի, այնտեղ պիտի գնայ: Հինգ տարի էր չէի տեսել, այս անգամ անցնելիս երեք օր մնացի, լաւ տեսայ, ճանաչեցի: Ես վամ սկաժու, գօրօղ սլոամիշլննի: Շատ առաջ կըղնայ, Ես էլ վճռել եմ այնտեղ գործ սկսել: Սկաղօյ ստատի կըմնամ Ախաբաթում: Էլ այնտեղ սլօղա չըկայ: Աչքիս առաջ ուռնները թուրքմենների չալմաները քամուն տուեցին, պրծաւ, էլ էքսպեդիս չըկայ, արմիան յետ է դալիս, առուտուրն էլ ընկնում է: Բագու Բագու, ուրիշ ոչ մի տեղ, Ուղում եմ այնտեղ մի լաւ մաղազին բաց անել, սամկս սլերվիյ սօրթ: Ուժէ մաղազինի տեղն էլ մտքումս նշանակել եմ: Պրնամօ ծովի փին:

— Քեռի, ինչի մաղազին ես ուզում բաց անել, չիթ ու կտորի, — հետաքրքրուեց Վարդանը:

— Շտօ, չիթ ու կտորի: Աստուած մի արասցէ: Սկաժիտ սլաժալտտայ, չիթ ու կտորի առուտուրումը ինչ աշխատանք կայ: Արշինին քառորդ կամ շատ շատ կէս կոպէկ: Նաշիխայտ, ես վամ սկաժու, նաշիխայտ: Մանուֆախուրան, ըրստեց մայ, ծոյլ մարդկանց համար է, որ նստեն ու արշինով ճանձեր փախցնեն:

— Բաս ո՞ր առուտուրն է լաւ:

— Ո՛րը: Հէ, քրատեց մայ, մօղնիյ առուտուրը հիմայ թանգազին խմիչքների և զակուսկանների մաղաղինն է, վօտ շտօ...

— Այդ ի՞նչ բան է. բաղկալի դուքան:

— Բաղկալի, չէ, չախկալի, հա հա հա: Տի, քրատեց մայ, նիշեմօ նէ պանիմայշ, Իմ ասածն է. «Մաղազին զաստրանամիչեակիխ տավարօվ ի զագրանըշնիխ նաալիտկօ», վօտ շտօ: Մեծ մաղաղին կըլինի, շատ մեծ: Վիվսակի երկայնութիւնը կըլինի տասն արշին, լայնութիւնն էլ երկու արշին, տառերը ոսկեգօծ: Վիվսկան մաղաղինի համար մեծ բան է, ի հարկէ, Յիվիլիզօվաննի քաղաքում, ոչ թէ այս քաղաքանդ Ջիլզիլում: Այստեղ իսկի վիվսկաններ էլ չըկան, եթէ կան էլ ժեստի կտորներ են կամ հին պառնօսներ կամ կոտրած վնդրօյի տակ: Դռների վրայ կըլինի ուրիշ վիվսկա, պատկերով, պանիմա՞նշ, Պիտի նկարել տամ մի տղամարդ, հաստ փորով. մի ձեռին կալբաս, միւս ձեռին պիվօի բաժակ: Նեմեցի պատկեր: Որտեղ եմ տեսել այսպիսի պատկեր: Չօռտ եվօ զնայետ, այնքան քաղաքներ եմ տեսել, որ մրտիցս ընկիլ է: Հա, Ռոստովում, Մադօվիյ փողոցում:

— Մաղաղինում ի՞նչ ապրանքներ կըլինեն, քեռի...

— Այնպիսի ապրանքներ, որ տեսնողի բերանի ջուրը գնայ: Այ, օրինակ, մի կողմում պօլկաներում դարսած կըլինին շիշեր. կօնեակ, ուօմ, խերես, վերմուդ, մարսալամի խօսքով զուբրօվկայից ու ըեբինօվկայից սկսած մինչև շամպանսկիյ: Հասկացա՞ր: Միւս կողմում. սարդինկա, կիլկի, անգօուս և այլն: Յետոյ, զաստօյկի վրայ կըշարենք տապակած գառ, խոզի ճուտ, հնդուհաւ, հորթի միս, տեսակ-տեսակ ձկներ, խաւեարներ, կալբասներ, տեսակ-տեսակ պա-

ներնք—չեստեր, ոօքֆօր, ժերվե և այլն և այլն։ Յետոյ յատակի վրայ տոպրակներով ու արկղներով չոր պտուղներ, չաքարեղէններ, քաղցր խմորեղէններ։ Այ թէ ինչպիսի մաղազին կունենամ։ Բախկալի դուքան, չէ, չախկալի դուքան, վօտ նշո...։

—Օրական քանի բուրլու ապրանք կը ծախենք, բեռի,—կամեցաւ իմանալ Վարդանը եռանդուն վաճառականի աղագայ ձեռնարկութեան էականը։

—Նիլիզա սկազայտ։ Աշոգութիւնից է կախուած։ Իմ ասած մաղազինի պէս մաղազին դեռ չըկայ Բագուում։ Նշո, ըրատեց մօյ, նարօդ նէաքրագովաննիյ։ Նս մեծ յոյս ունիմ մարեակնների վրայ։ Մարեակները, ըրատեց տի մօյ, ուտել-խմելում ընկերներ չունին։ Նօվօրօսսիյսկումն եմ տեսել։ Հէնց այս պատճառով էլ մաղազինս ծովի ափումն եմ բաց անում, որ նրանց աչքի առաջ լինի։ Իմ հաշուով, առաջին տարի դուրսում օրական ամենաքիչը յիսուն բուրլու ապրանք կը ծախենք։ Յետոյ, ըրատեց մօյ, տօրգօվին ռաշերեցա կըլինի, կարող ենք հասնել օրական հարիւր, երկու հարիւր բուրլու, աղնիմ սլօվօմ նիլիզա սկազայտ...։

—Բաս ես գնացի Բագու, մայրիկ,—գոչեց Վարդանը միանգամայն ողևորուած։

—Միքանի տարի դու իմ մօտ կը լինես գործակատար, ի հարկէ, ուճիկով։ Հէնց որ առուտուրը սովորեցիր, աշինի կամպանիօն կը շինեմ։ Հօրիցդ մօտ հինգ հազար բուրլի է մնացել։ Քիչ փող չէ խելօք տղայի ձեռքում։ Այս չաքաթ ես կը գնամ Բագու, մաղազինը կը սարքեմ։ Դու դեռ ուսումդ վերջացրու։ Աշխատիր ուսներէն զրել—կարդալը լաւ սորել, ես առաւել խօսելը։ Օօ, ըրատեց մօյ, ուսներէն լեզուն մեր ժամանակում մի կտոր հաց է։ Հայրս շատ տգէտ էր, չը հասկացաւ այս բանը, ինձ ու-

սում չը տուեց։ Բայց յետոյ, փառք Աստծու, ինքս սովորեցի։ Հիմայ ես խօսելում վարժապետիդ վարժապետից էլ լաւ եմ։ Սամյն պէրվի սօրթ խօսողներից իմացիր ինձ։ Չատ էլ գազէթ կարդացող եմ, այս էլ իմացիր։ Վաճառականը, որ գազէթ չի կարդում, հէնց մին ղըուշ։ Ես որ գազէթ չը կարդայի, իսկի կիմանայի, որ ռուսը թուրքմէնի հետ վայնա ունի ու կը գնայի փողըրաթ վերցնելու։ Հա, ես Բագուից քեզ համար կուղարկեմ մի լաւ գիրք։ Այնտեղ ամեն բան կայ վաճառականի համար, կը կարդաս, անվիր կանես....:

XVI

Այդ երեկոյից Վարդանի երազների ու ցնորքների կենդրոնը դարձաւ Բագուն։ Արդէն այդ քաղաքի անհուն հարստութեան վերաբերմամբ նա շատ բան էր լսել և շատ անգամ էր մտածել այնտեղ տեղափոխուելու մասին։ Այժմ երեւակայութեամբ ապրում էր այնտեղ և պատկերացնում իւր քեռու մաղազիան և իւր գործունէութիւնը։ Ահա նա, մուշտարիներով շրջապատուած, հագիւ կարողանում է կտուրել ներանց պահանջները։ Դրամարկդի մօտ կանգնած է քեռին, ուրախ ու գուլարթ և կոտորատում է ռուսերէն։ Հարիւրանոցներ է, որ ստանում է, մանրացրելում ու զցում դրամարկդի մէջ։ Երեկոները նրանք հաշիւ են անում օրուայ եկամուտը և միասին ուրախանում։ Վերջապէս, Վարդանը ընկերանում է քեռու հետ և այլն և այլն...

—Մայրիկ,—դարձաւ նա մի անգամ իւր մօրն Երեւակայութեան բորբոքուն պահին,—յիշում ես հայրիկն ինձ վրայ ինչ պարտք դրեց։

—Ի՞նչ պարտք։

—Նա ասաց. «դու պէտք է հարստանաս ու Արարհամ աղայից ու նրա որդիներից վրէժս առնես»։ Յիշում ես։ Ասաց. «անիծուես, եթէ խօսքս չը կատարես»։

—Ախ, այդ խօսքերը անէծք էին որդի, հայրդ սիրտը ցաւելուց էր ասում։ Մոռացիր...

—Մոռանամ։ Հօրս զրկեցին, սպանեցին, փողերս կլանեցին, ես մոռանամ Արարհամ աղայի որդիներին։ Ամեն անգամ փողոցում այդ Արշակին կամ Դանիէլին տեսնելիս, արիւնս գլխովս է տալիս, ուզում եմ քարով նրանց բիթ ու պռունջը ջարդեմ։ Բայց պռօշներս կծելով, ինձ պահում եմ ու ինքս ինձ ասում. «սպասիր, սպասիր, ժամանակը կըգայ»։

—Ախ, որդի, դու վատութիւն անելու մասին ես մտածում։ Այդ լաւ չէ։ Մովորիր մարդկանց լաւութիւն անել, միայն լաւութիւն, թէ չէ ամենքը քեզ կանխածեն։ Դու կարծում ես փողից աւելի հարստութիւն չըկայ։—Պայ։ Լաւ անունը փողից շատ շատ թանգ արժէ, ամուն աշխատիր։

—Որ փող ունենամ, անունն էլ ետեից կըգայ։

Այս էր տասն ու չորս տարեկան պատանու դաւանանքը և յանուն այս դաւանանքի, նա պատրաստ էր անել ամեն ինչ։

Շուտով նա Բագուից ստացաւ քեռու խոստացած գիրքը։ Այս ուրիշ ոչինչ էր, եթէ ոչ առևտրական տարրական կանոնների ու հաշուեգիտութեան ձեռնարկ։ Մի գիրք, որ Վարդանի ժամանակաւոր աւետարանը դարձաւ։ Նա կարդում է և ուսումնասիրում, անգիր անում մուրհակների, պայմանագրերի և առևտրական նամակների օրինակները։

Մի օր նա յայտնեց ընկերներին, թէ շուտով գնալու է Բագու։ Երևաց, որ մենակ ինքը չի եղել Աւետեաց երկրի մասին երագողը, այլ հա-

մարեա թէ բոլոր աշակերտները:

— Դո՛ւ ինչ պիտի անես այնտեղ, — կէս արհամարհանքով հարցրեց նա Մինասին:

— Պիտի մտնեմ Ռէալական ուսումնարան ուսումըս շարունակելու:

— Օհօ, զիմնազիւ: Բարեկամ, լաւ կանես, որ հօրդ արհեստը սովորես գլուխդ քաշ: Արհեստաւորի որդու համար առած ուսումը էլ շատ շատ է:

— Հայրս էլ այդպէս է ասում, — պատասխանեց հեղ պատանին ամենայն հեղուծեամբ — բայց հօրեղբայրս չի թողնում: Դու տեսել ես հօրեղբօրս: 2 է: Վեց տարի է նա Բագումն է: Վարժապետութիւն է անում: Ամեն շաբաթ ես հօրս կողմից նրան նամակ եմ դրում: Չատ հաւանել է նամակներս: Դրում է հօրս, որ թոյլ տայ ինձ ուսումս շարունակելու:

— Երեւի, շատ հարուստ մարդ է, — ծաղրով նկատեց Վարդանը:

— Հարուստ չէ, բայց ինձ շատ է սիրում: Ինքը պսակուած չէ, ուզում է ինձ որդեգրել:

— Ես էլ եմ գնում Բագու, — մէջ մտաւ զանգրահեր Լևոնը:

— Քեզ ով է տանում:

— Մենք ընտանիքով ենք գնում:

— Դուք կարծում էք, ես այստեղ կըմնամ, — ասաց քսու Մարտիրոսը, որ ոչ մի բանում չէր ուզում յետ մնալ ընկերներից, — հօրս կաղաչեմ, որ ինձ էլ ուղարկի:

— Պակասը դո՛ւ էիր, — գոչեց Վարդանը, միանգամայն կատաղելով բոլոր ընկերների դէմ, որոնք, կարծես խօսք մէկ էին արել նրա հացը ձեռքից խլելու: — Միկիչ, մէնակ դու ես մնում այստեղ:

— Իսկի էլ չեմ մնայ, — լրացրեց չարահճին, — ինչու պիտի մնամ, ձեզանից պակաս եմ, ինչ...

Յետոյ ընկերները խօսեցին իրանց ապագայի մասին. իւրաքանչիւրը պարզեց իւր փափագն ու ձգտումները:

Մինամն ասաց, թէ կրկամենար այնքան ուսում առնել, որ իմանար, թէ օրացոյց կազմողներն ինչպէս են դուշակում լուսնի և արեգակի խաւարումը: Լեոնը խոստովանեց, թէ ցանկանում է ամբողջ աշխարհը ճանապարհորդել և բոլոր լեզուներով խօսել:

Մկիշը փափագ յայտնեց գոնէ մի անգամ գնալ Դադստան, տեսնել Շամիլի ծննդավայրը և այն տեղերը, ուր նա պատերազմել է:

Մարտիրոսը ջերմ ցանկութիւն արտայայտեց Օկօթօթօշնիյ նազդիրատել դառնալու:

Մարտին Բաղդանիշը, յիշելով Բաղդասարի նուէրները, մինչև վերջը հաւատարիմ մնաց իւր համակրութեան մէջ և Վարդանին տուեց ընտիր ուսումնաւարտի վկայական: Չրվշտացրեց և՛ միւս նրա ընկերներին, իւրաքանչիւրին տալով լաւ թուանշաններ: Վերջին օրը պատկառելի տեսուչը մի խրատական ճառ ասաց ուսումնաւարտներին:

Աշխատեցէք մարդ դառնալ, — ասւորտեց նա իւր խօսքը, — որ երեսն պարզ անէք ձեր ծնողների առջև: Չը մոռանաք Մարտին Բաղդանիշին հա, թէ չէ ձեր բոլորի հէրը կանիծեմ: Լաւ միտներդ պահեցէք, որ ինչքան էլ մեծ մարդ դառնաք, պատճառն ես եմ: Ես եմ ձեզ նման աւանակներից մարդ չինել: Դէ, հայդա, գնացէք, բարի ճանապարհ: Էհէ, չեղաւ, չեղաւ, կացէք, կացէք... Այ, հէնց փսկոյն ցոյց տուեցիք ձեր էշութիւնը... Հէնց այդպէս, դուզ դուզ գնում էք էի... Սմի՛ռնօս: — Սմի՛ռնօ, — աղաղակեց Մկիշը, — աղա, կանգնեցէք շարքով: Այդպէս: Վերցրէք գդակներդ: Այդ-

